

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), člana 71, 124. i 125. Statuta Općine Vogošća („Službene novine Kantona Sarajevo“, broj: 27/14 – Prečišćen tekst, 14/15, 9/20 i 23/24), člana 171. Zakona o socijalnoj zaštiti, zaštiti civilnih žrtava rata, zaštiti porodice sa djecom („Službene novine Kantona Sarajevo“, broj: 38/14 – Prečišćeni tekst, 38/16, 44/17, 28/18, 52/21, 40/22 i 13/25), Zakona o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, broj: 36/99, 54/04, 39/06, 14/09, 45/16, 40/18 i 16/23), Pravilnika o ostvarivanju prava na jednokratnu novčanu pomoć licima u stanju socijalne potrebe Općine Vogošća, broj: 09-31-1238/25 od 13.06.2025.godine, Odluke o izvršavanju Budžeta Općine Vogošća za 2025. godinu („Službene novine Kantona Sarajevo“, broj: 1/25), tačke 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj: 37/24) i Odluke Općinskog načelnika o načinu primjene smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, broj: 02-02-575/25 od 15.04.2025. godine, Općinski načelnik Općine Vogošća, objavljuje:

JAVNI POZIV za dodjelu jednokratne novčane pomoći licima u stanju socijalne potrebe

I – PREDMET JAVNOG POZIVA

Predmet Javnog poziva je dodjela jednokratne novčane pomoći licima u stanju socijalne potrebe. Pomoć će biti dodijeljena u skladu sa raspoloživim sredstvima u Budžetu Općine Vogošća za 2025. godinu, shodno podnesenim zahtjevima.

II – FINANSIJSKA SREDSTVA

Finansijska sredstva za dodjelu jednokratne novčane pomoći licima u stanju socijalne potrebe raspoređivat će se u skladu sa Pravilnikom o kriterijima i raspodjeli novčanih sredstava za dodjelu jednokratne novčane pomoći licima u stanju socijalne potrebe sa područja općine Vogošća, (u daljem tekstu: Pravilnik) sa budžetske pozicije:

- 614221 – novčana pomoć po osnovu materijalno socijalne sigurnosti ugroženom stanovništvu i pomoć za liječenje.

Ukupan iznos planiranih sredstava u Budžetu Općine Vogošća za 2025. godinu iznosi 65.000,00 KM.

Iznosi jednokratne novčane pomoći su utvrđeni Pravilnikom.

III – PRAVO NA DODJELU JEDNOKRATNE NOVČANE POMOĆI

Pravo na dodjelu jednokratne novčane pomoći licima u stanju socijalne potrebe, korisnici mogu ostvariti jednom u toku kalendarske godine uz ispunjavanje propisanih uslova.

Pravo na izuzetnu novčanu pomoć licima u stanju potrebe, korisnici mogu ostvariti jednom u toku kalendarske godine uz ispunjavanje propisanih uslova.

IV – USLOVI ZA OSTVARIVANJE PRAVA

Uslovi za ostvarivanje prava na jednokratnu novčanu pomoć licima u stanju socijalne potrebe na osnovu Pravilnika su:

- 1) da je podnosilac zahtjeva državljanin Bosne i Hercegovine;
- 2) da podnosilac zahtjeva ima prebivalište na području općine Vogošća najmanje 1 (jednu) godinu neposredno prije podnošenja zahtjeva za dodjelu jednokratne novčane pomoći;
- 3) da je lice, odnosno porodica u stanju socijalne potrebe definisano čl. 4. i 5. Pravilnika;

- 4) da podnosilac zahtjeva i ostali članovi zajedničkog domaćinstva nemaju nikakvih primanja ili da ukupni mjesečni prosjek primanja po članu zajedničkog domaćinstva ne prelazi iznos od 40% prosječne plaće ostvarene u Kantonu Sarajevo u prethodnoj godini, a u skladu sa važećom Instrukcijom o iznosima novčanih davanja po Zakonu o socijalnoj zaštiti, zaštiti civilnih žrtava rata i zaštiti porodice sa djecom;
- 5) da niko od članova porodičnog domaćinstva podnosioca zahtjeva nije vlasnik preduzeća ili samostalne radnje ili ima registrovanu dopunsku djelatnost;
- 6) da niko od članova domaćinstva podnosioca zahtjeva nije ostvario drugi vid jednokratne novčane pomoći putem Službe za boračko-invalidsku i socijalnu zaštitu.

V – POTREBNA DOKUMENTACIJA

Prilikom prijave na ovaj Javni poziv potrebno je da svi podnosioci zahtjeva prilože sljedeću dokumentaciju u originalu ili ovjerenoj fotokopiji:

- Čitko popunjen i potpisan propisani obrazac zahtjeva, koji je sastavni dio ovog Javnog poziva;
- Kućna lista;
- Potvrda poslodavca o visini primanja za sve punoljetne članove domaćinstva;
- Fotokopija čeka penzije, ukoliko je podnosilac zahtjeva ili neko od članova domaćinstva korisnik penzije;
- Potvrda da se lice nalazi na evidenciji nezaposlenih;
- Potvrda od škola za djecu stariju od 15 godina;
- Uvjerenje Porezne uprave;
- Uvjerenje o primanjima putem Službe za boračko-invalidsku i socijalnu zaštitu (službeno);
- Uvjerenje o primanjima putem Službe socijalne zaštite općine Vogošća (službeno);
- Uvjerenje o državljanstvu za podnosioca zahtjeva (ne starije od 6 mjeseci);
- Uvjerenje o kretanju – prebivalištu za podnosioca zahtjeva (ne starije od 3 mjeseca);
- Medicinski nalazi ukoliko je podnosilac zahtjeva ili neko od članova bolestan;
- Potvrda banke o otvorenom tekućem računu na ime podnosioca zahtjeva.

VI – POSTUPAK DODJELE JEDNOKRATNE NOVČANE POMOĆI

- 1) Postupak za dodjelu jednokratne novčane pomoći provodi Komisija imenovana od strane Općinskog načelnika.
- 2) Komisija će u svakom konkretnom slučaju, iznos odobrenih novčanih sredstava utvrditi na osnovu socijalno materijalnog statusa podnosioca zahtjeva, članova porodičnog domaćinstva, zdravstvenog stanja podnosioca odnosno članova domaćinstva.
- 3) Nakon što Komisija utvrdi da su ispunjeni uslovi propisani ovim Pravilnikom, Općinski načelnik putem nadležne Službe donosi Rješenje o ostvarivanju prava.
- 4) Zahtjevi koji ne ispunjavaju propisane uslove za dodjelu novčanih sredstava, kao i zahtjeve podnesene nakon utroška sredstava predviđenih za jednokratnu novčanu pomoć za lica u stanju socijalne potrebe, odbijaju se Zaključkom Općinskog načelnika putem nadležne Službe, a na prijedlog Komisije.
- 5) Protiv Zaključka o nepriznavanju prava na jednokratnu novčanu pomoć. može se izjaviti žalba Drugostepenoj stručnoj komisiji Općinskog vijeća u roku od 15 dana od dana prijema Zaključka.
- 6) Podneseni zahtjev važi samo za kalendarsku godinu u kojoj je zahtjev podnešen.

VII – POSTUPAK PODNOŠENJA ZAHTJEVA

Zahtjeve sa dokumentacijom traženom ovim Javnim pozivom podnose se direktno na protokol Općine Vogošća ili putem pošte na adresu:

OPĆINA VOGOŠĆA
Služba za boračko-invalidsku i socijalnu zaštitu
Ulica Jošanička broj 80
71320 Vogošća


sa naznakom: „**Prijava na Javni poziv za dodjelu jednokratne novčane pomoći
licima u stanju socijalne potrebe**“

**Javni poziv ostaje otvoren do kraja tekuće kalendarske godine, odnosno do 31.12.2025. godine
odnosno do utroška planiranih budžetskih sredstava.**

Sve dodatne informacije vezane za Javni poziv mogu se dobiti svakim radnim danom, pozivom na brojeve telefona 033/586-470 ili 033/586-471 ili direktno u prostorijama Službe za boračko-invalidsku i socijalnu zaštitu (II sprat, kancelarija broj 40 i 42).

Nepotpuna i neblagovremena dokumentacija neće se uzimati u razmatranje.

Broj: 09-31-1238/25
Vogošća, 20.06.2025.godine

OPĆINSKI NAČELNIK

Migdad Hasanović